



Pou Piblikasyon Imedya: 12/07/2022

GOUVÈNÈ KATHY HOCHUL

GOUVÈNÈ HOCHUL ANONSE 10 MILYON DOLA YO TE BAY NAN PREMYE FAZ FON SIPÒ POU FOUNISÈ AVÒTMAN

*Lanse seri tab wonn sou swen sante repwodiksyon avèk founisè yo pou diskite
sou bezwen ak eksperyans pou bay swen nan New York apre Roe*

Gouvènè Kathy Hochul te anonse jodi a 10 milyon dola yo te bay nan premye faz Fon Sipò pou Founisè Avòtman pou 13 pwogram, ki kouvri 63 sit. Gouvènè a te lanse tou yon seri tab wonn sou swen sante repwodiksyon, kòmanse ak tab wonn jodi a avèk benefisyè yo nan sid eta a, pou diskite sou bezwen ak eksperyans founisè yo ak sou fason New York ap konfwonte difikilte yo ak pwoteje aksè apre Roe. Aplikasyon pou dezyèm faz finansman an ap louvri semèn pwochèn. Pou dezyèm faz la, yo pral bay 15 milyon dola nan yon seri pwogram ki pi laj, ki gen ladan klinik endepandan.

"Anba siveyans mwen, New York pral toujou yon refij an sekirite pou moun k ap chèche swen sante repwodiksyon, epi mwen angaje pou m travay ak founisè yo atravè eta a pou asire yo gen sipò ak resous yo bezwen", **Gouvènè Hochul te deklare**. "Nou pral kontinye bati sou pwoteksyon nasyonal nou yo pou pasyan avòtman ak founisè yo pou pwoteje aksè nan avòtman nan eta nou an".

"Pandan ke Tribunal Siprèm lan te retire dwa plizyè milyon fanm atravè peyi a, New York kontinye ofri yon refij ki an sekirite pou nenpòt fanm ki bezwen konfò, sekirite ak sipò pou fè pwòp chwa pa li", **Gouvènè Adjwen Delgado te deklare**. "Angajman jodi a se yon lòt prèv ke Nouyòkè yo p ap chita epi p ap kite yo retire dwa nou. Fon Sipò pou Founisè Avòtman an pral ede founisè sante repwodiksyon fanm yo kontinye rann opsyon sa a disponib pou fanm ki nan bezwen yo".

Pou premye faz la, Depatman Sante Eta New York ap bay 10 milyon dola ak òganizasyon ki gen finansman kounye a nan kad Pwogram Planifikasyon Familyal Konplè (Comprehensive Family Planning Program, CFPP) - ki ofri sèvis planifikasyon familyal ak sante repwodiksyon konplè bay moun ki gen revni ba, ki pa gen asirans ak ki pa gen ase asirans ki gen laj repwodiksyon - epi yo te reyalize avòtman medikal ak/oswa chirijikal nan 12 mwa ki sot pase yo.

Benefisyè premye faz la se:

- Long Island Jewish Medical Center: 2 klinik

- Nassau Health Care Corporation: 1 klinik
- New York City Health & Hospitals Corporation - Harlem: 1 klinik
- New York City Health & Hospitals Corporation - Jacobi: 1 klinik
- New York City Health & Hospitals Corporation - Kings: 1 klinik
- New York City Health & Hospitals Corporation - Lincoln: 1 klinik
- Planned Parenthood of Central and Western NY Inc.: 9 klinik
- Planned Parenthood of Greater New York: 23 klinik
- Planned Parenthood Hudson Peconic, Inc.: 10 klinik
- Planned Parenthood of North Country New York Inc.: 7 klinik
- Public Health Solutions: 2 klinik
- Staten Island University Hospital: 3 klinik
- Upper Hudson Planned Parenthood: 3 klinik

Apre desizyon Tribunal Siprèm ki te soti nan Dobbs v. Jackson ki te siyale yon anilasyon Roe v. Wade, Gouvènè Hochul [te anonse](#) yon Fon Sipò pou Founisè Avòtman 25 milyon dola nan dat 10 me an kòm previzyon desizyon Tribunal Etazini an pou anile Roe v Wade. Fon sa a gen pou objektif elajî kapasite founisè Eta New York, pou asire aksè kontinyèl pou moun k ap chèche swen pou avòtman nan New York.

Komisè Sante Eta a, Doktè Mary T. Bassett, te deklare, "Finansman sa a yo bay òganizasyon ak founisè yo atravè eta a pral ede elajî kapasite ki egziste deja, amelyore resous ak optimize enfrastrikti. Mwen pa ka tann - epi rete angaje - pou m travay kòt a kòt avèk Gouvènè Hochul ak founisè avòtman nou yo atravè Eta a pou asire yo gen sipò total pandan n ap evalye enpak anilasyon Roe nan New York pou satisfè bezwen k ap parèt ak sanzatann yo".

Efò sa yo chita sou aksyon Gouvènè Hochul pou pwoteje aksè nan avòtman nan Eta New York. Anplis Fon Sipò pou Founisè Avòtman an, Gouvènè a te mete [10 milyon dola disponib tou pou sant swen sante repwodiksyon yo pou bay aksè nan sibvansyon sekirite yo](#) atravè Divizyon Sèvis Jistis Penal la (Division of Criminal Justice Services) pou ede asire sekirite founisè k ap bay swen vital sa.

Mwa pase a, [Gouvènè Hochul te siyen yon pake konplè, sis pwojè lwa](#) ke lejislati a te adopte pou prezèv, pwoteje, ak ranfòse pi plis dwa avòtman pou pasyan ak founisè yo nan New York. Lejislasyon an pran mezi espesifik pou adrese yon varyete enkyetid legal, tankou etablisman yon kòz aksyon pou entèferans ilegal avèk dwa pwoteje ak enklizyon founisè avòtman ak pasyan yo nan Pwogram Konfidansyalite sou Adrès la. Nouvo pwojè lwa yo tou entèdi akizasyon move konduit kont pwofesyonèl swen sante yo paske yo bay sèvis repwodiksyon ak pasyan ki abite nan eta kote sèvis sa yo ilegal epi anpeche konpayi aspirans neglijans medikal pran mezi negatif kont yon founisè avòtman ki bay swen legal.

Anplis de sa, touswit apre desizyon Tribunal Siprèm Etazini an pou anile Roe v. Wade la, Gouvènè Hochul te lanse yon [kanpay](#) edikasyon publik peye, solid, sou plizyè platfòm pou asire avòtman rete toujou an sekirite, legal, epi aksesib. Kanpay nan tout eta a gen ladan efò pou anonse sou plizyè platfòm ak yon [nouvo](#) sitwèb, ki bay yon sèl

destinasyon pou enfòmasyon sou dwa pou fè avòtman, founisè yo, sipò ak opsyon peman nan New York.

Nan kòmansman mwa sa a, yo [te adopte](#) premye etap pou mete dwa pou avòtman nan Konstitisyon Eta New York la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)